



UNIVERSITÄTS-
BIBLIOTHEK
PADERBORN

Universitätsbibliothek Paderborn

Venerabilis Patris D. Hludowici Blosii Abbatis Lætiensis Ordinis S. P. N. Benedicti Tomus Posterior Margaritum Spirituale

Blois, Louis de

Monasterii Campidonensis, 1672

VI. Divini Amoris Igniariolum cum Exercitiolis variis piarum Precationum.

[urn:nbn:de:hbz:466:1-45885](https://nbn-resolving.org/urn:nbn:de:hbz:466:1-45885)

HLVDOWICI BLOSII MARGARITI SPIRITUALIS PARS SEXTA.

SIVE

DIVINI AMORIS IGNIARIOLVM CUM EXERCITIOLIS VARIIS PIARUM PRECATIONUM.

§ I.

*Dulcis consideratio magnitudinis
Dei, & propriae parvitas, itemq;
fidelitatis Dei, & propria infide-
litas.*

1. Dei magnitudo, & nostra parvitas.
2. Dei fidelitas & beneficentia collata cum no-
stra ingratitude.
3. Propositum emendationis futurae, ex hac
collatione elicitum.

1.
Conside-
ratio ma-
jestatis
divinae;



Deus meus, Rex
est saeculorum,
& Dominus su-
mae majestatis,
summæque o-
pulentiae nobi-
litas & excel-
lentiae: altissimus, incompre-
hensibilis, omnipotens & aeter-
nus est. Caelum & terram, & ce-
tera omnia de nihilo creavit; crea-

taque conservat, regit, ac mo-
deratur sine labore. Lucem in-
habitat inaccessibilem, & ta-
men ubique praesens ac totus est,
visibilemque hunc mundum in-
visibiliter implet. Omnia clarif-
simè videt, & ipsas quoque cor-
dium cogitationes, intentiones
atque affectiones omnes conside-
rat. Omnia perfectissimè cogno-
scit, praeterita, praesentia & futu-
ra. Magnitudinis ejus, sapientiae
ejus, dignitatis & gloriae ejus nul-
lus est finis. Ipse est summè san-
ctus, summè pulcher, summè sua-
vis, summè bonus, clemens & mi-
sericors. Ipse est benedictus, &
laudabilis, & gloriosus, & super-
exaltatus in saecula. Ego verò vi-
lissimus vermis sum; peccator
sum

Pl. 146

Dia. 6

E. nostra
parvitas
in.

MIVINE
AMORIS
IGNIA-
BIOLUM
fum immundus, & indignus, quæ terra sustineat. Pulvis sum & cinis, pauper & inops, infirmus & miser. Nihil possum, nihil habeo, nihil sum ex me. O! quis ille, & quis ego?

2. Deus meus mihi semper fidelis fuit: ab æterno me purissimè dilexit. Gratuita pietate suâ fecit me creaturam rationalem, insigniēs animam meam nobilissimâ elegantissimâque imagine suâ. Voluit me nasci in Ecclesia sua sancta, & rectam Christianamque fidem mihi dedit. O stupenda, ô amorosa & amorosè recolenda ejus miseratio! Excelsus ille Deus indicibili charitatis dulcore penetratus ac victus, naturam meam suscepit, & homo factus est Deus meus, factus est frater meus, ne ego exfors supernæ hereditatis remanerem, & in æternū perirem. Triginta tribus annis laborans in terra, salutem meam studiosissimè peregit. Mei causâ pretiosum Sanguinem suum ad extremam usque guttulam fudit. Injurias, contemptum, opprobria, diros cruciatus, & ignominiosam mortem crucis patienter libenterque pro me pertulit. Tam specialiter pro me omnia illa fecit atque passus est, ac si solus ego redimi debuissem. Sic igitur, sic amabilis Dominus meus me redemit: sic felicitatem & beatitudinem æternam, quam perdidērā, mihi recuperavit. O! quomodo amavit me? Cùm ab eo aversus essem, diu longanimiterque peccantem susti-

nuit: multis intereā modis me ad se revocans. Et tandem mihi per gratiam ejus converso, clementer remisit peccata mea, quæ innumera gravissimaque erant. Sed & quotidie me sæpius cadentem misericorditer erigit, atque ad se revertentem, culpamque agnoscentem benignissimè recipit, emundat ac sanat. Docet, dirigit, adjuvatque me incessanter, & sicut pupillam oculi sui custodit. Ipsam dulcissimam Genitricem suam virginem Mariam, mihi in matrem, advocatam, & consolatricem, auxiliatricemque donavit. Insuper nobilissimo Principi Angelo suo custodiam mei mandavit. Ita mei curam gerit, quasi solus essem in toto orbe terrarum. Æstuantissimo salutis meæ desiderio tenetur, & tam adversa quàm prospera omnia mihi in bonum convertere cupit ac nititur. Nihil obliviscitur eorum quæpiè ad honorem ejus (ipso adjuvante) ago, loquor, audio, lego, meditor, oro, desidero, & ne minimam quidem cogitationem bonam ex bona voluntate prodeuntem perire sinit: sed omnia illa mihi fidelissimè asservat apud se, licet ea nimis imperfectè & indignè à me fiant. Animam meam gratia visitationeque sua, & excellentissimo altaris Sacramento mirè pascit, consolatur ac recreat: corpusculum etiam rebus necessariis fovet. Innumera, prorsus beneficia mihi præstitit, & adhuc lingulis præstat momentis, ineffa-

quemque
collata.
Expectatio.
Conversio.

Manuten-
tio.

Illustra-
tio.

Patrocinium Vir-
ginis &
Angeli
custodiam.

Prospere
& adver-
sa, à bono
Deo.

Retribu-
tio ope-
rum.

Crebra
visitatio
internæ
& Sacra-
menta &
auxilia
corporalia.

DIVINI AMORIS IGNIA-RIOLUM Promissa in celo gloria. bilemque benevolentiam ostendit. Denique, lucidissimum, amoenissimum & gloriosissimum Regnum suum mihi promisit, in quo vult me sui fruitione perenniter gaudere.

Non vult beatus esse sine me, si ego ei servire, atque in ejus amore perseverare volo. Ah! nulla umquam mater tam tenerè dilexit unicum filium suum, quam tenerè ille me diligit. Amor ejus erga me dulcissimus, ardentissimus, immensus, & planè * intemperans est. Sed ego, heu! mala pro bonis perversè reddens, infidelis & ingratus ei semper fui, & adhuc sum: nam & gratiam ejus multis modis in me impedio, ac dona destruo. O quanta est illius erga me fidelitas! & quanta mea erga eum infidelitas!

Verè dignum & justum est, ut ego post hac Deo meo humillimè me submittam, & ingentem reverentiam ac venerationem illi exhibeam, eumque ex toto corde meo diligam, & me funditus semper contemnam atque resignem: justum est, ut coram illo, qui mihi ubique præsens est, & coram sanctis Angelis ejus, pudicè, innocenter ac purè vivam. Hanc gratiam ipse mihi conferre dignetur, ad æternam laudem

nominis sui, Amen.

S. I I.

Joannes Rusbrochius laudat exercitium procedens.

1. Superioris exercitia excellentia.
2. Exercitium crebrum actuum amoris prestat omnium aliarum virtutum exercitiis.

AMOROSA consideratio magnitudinis Dei, & fidelitatis ejus erga nos, nostræ item parvitatibus, & erga Deum infidelitatis, tam est jucunda atque utilis, ut vehementer admirer nos umquam posse ejus oblivisci. Sane nullam aliud est exercitium (quod ipse noverim) fructuosius ad pertingendum ad veram humilitatem & resignationem. Si verò per hoc exercitium nunquam fortè, durante hac vita, èd pervenerimus, ut vitis funditus moriamur, ac nos ipsos perfectè contemnamus; nec sic tamen illud debemus deserere: id enim ipsum maxime utilitatem semper nobis afferet. Certè nos per illud & per gratiam Dei proficiemus in vera charitate, atque ita aptiores propensioresque ad nostri despectionem & resignationem red-demur. Charitas enim humilitatis mater est. Quare, qui perfectè humilis esse concupiscit, discat perfectè amare Deum.

Quantum in nobis augetur amor erga Deum seu vera charitas, tantum in nobis crescit nostri vilipensio, ac sancta illa animi depressio, quam nos coram divina majestatem de jicimus at pernamurque.

* Si

* Sive supra modum, & mensuram magnam. Nostra pro hu omnibus ingrati-tudo.

3. Propositum amoris ex hac comparatione ad emendationem vita.

1. Exerci-tium paulatim utilitas.

2. Exerci-tium de vitiis amorem virtutum exercitiis longe prestat.

Divini
Amoris
Ignia-
riolum
Actuū
charita-
tis cre-
ber us-
fus com-
menda-
tur ob
uberes
fructus.

Si * eximius fervor divinæ charitatis interiora nostra occuparet, facile nobis persuaderemus, neminem umquā nos posse satis contemnere & affligere, etiam si pati possem⁹ omnia, quæ creaturæ omnes umquā pertulerunt. Charitas meritò virtutum Regina appellatur. Præclarum quidem est, exercere virtutes propter Deum; sed amorem erga Deum exercere, præclarius est. Amor enim compendiosissima via est ad Deum: atque eam ob rem illi ut plurimum devoti & affectuosi redduntur, qui amorem magis exercent, quā virtutes alias aut virtutum actiones. Porro omnes veniales culpæ eorum, qui resignati atq; cum Deo in amore colligati sunt, facile remittuntur aboleruntq;. Quidquid, inquam, tales in hac miseræ valle delinquunt, id totum amor & introversio consumit atque exurit: virtutes namque & bona facta eorum sunt innumera.

§. III.

fructuosa consideratio bonorum & gaudiorum celestis Paradisi.

Suaves aspirationes animæ ad patriam celestis beatitudinis anhelantis per Exclamationes novem.

Prima
Exclamatio
animæ in
paradisi
gaudii
recogitan-
du;

Psal. 83

PARADISUS, patria mea celestis est, patria dulcis & amabilis, vera & sola patria. Ibi est omne bonum. Ibi gloriosa, fulgida & semper tranquilla Trinitas seipsam Beatis omnibus clarè manifestat. Itaque melior ibi est

dies una super millia dierum hujus sæculi.

Paradisus, terra est promissionis, & regio immortalitatis, regio claritatis immensæ. Ibi est fons vitæ, & lumen æternum. Ibi Deus ipse, qui est lux increata & summè serena atque delectabilis, Sanctos suos amicabiliter illustrat. Ibi omnium affectū & amorem dulcissimè in se trahit, omnes seipso beatificè implet ac satiat, & est omnia in omnibus.

Paradisus ager est perennium deliciarum. Ibi ver amœnissimū, & æstas gratissima perpetuò manet. Ibi inæstimabile cinnamomum & balsamum suavissimè fragrat. Ibi immarcescibiles rosæ, lilia & omnigenæ flores, in omne ævum perdurant. Ibi excellentissimè sunt, quæcumque cordi humano placere possunt. Planè minutissimum granum illius agri in infinitum superat quidquid in hoc mundo pulchrum, dulce, jucundum & amabile esse videtur.

Paradisus, gloriosum est regnum cælorum. Ibi est ingens illud præmium, quod oculus non vidit, nec auris audivit, nec in corde hominis ascendit. Ibi verum plenumque gaudium sine fine continuum est. Ibi vox exultationis & dulce Alleluja semper resonat. Ibi canticorum organorumque inenarrabilis melodia jugiter auditur, & sempiterna solemnitas agitur. Ibi Beati omnes sine defatigatione Deum laudant in sæ-

Secunda,

Tertia,

Quarta,

1. Cor. 2

DIVINI
AMORIS
TENIA-
RIOLUM

Quinta,

2 Gal. 35.

Sexta,

Septima.

Octava.

cula sæculorum. Ibi divitiæ & delectationes omnigenæ abundant.

In paradiso pax est imperturbabilis, omnem sensum exuperans: & requies beata, omnem intellectum excedens. Ibi sancti omnes torrente divinæ voluptatis assidue potantur, & præ deliciarum affluentia dulcissime in Deum colliquefcunt: nam clara perenni que contemplatione melliflui vultus Dei donati sunt.

In cælesti Jerusalem omnes cives Patrem & Filium & Spiritum sanctum, unum summè appetibilem Deum ardentissime diligunt, & ejus suavissimis amplexibus pro voto semper fruuntur. Deo perfecte uniti, atque in eum feliciter absorpti sunt, & incretam ejus bonitatem dulcedinemque plenissime gustant. Deum intra se possident, & ab eo amorosissime possidentur.

In supernâ Dei civitate, dulce nimis est familiariter vivere & conversari cum Domino Jesu, & cum sanctissima ejus genitrice virgine Maria. Dulce est, eternam societatem habere cum amabilibus splendidisque spiritibus Angelicis. Dulcis valde est humilitas, concordia, & charitas mutua omnium Beatorum. O quam gratiosa, quam læta, quam numerosa est cælestis illa familia Dei!

In lucidissimo templo, & admirabili domo Domini, beatitudo Sanctorum abundantissima

est. Eorum claritas, pulchritudo, honestas, lætitia, potestas, opulentia, & gloria, prorsus est ineffabilis atque incomprehensibilis. Omnes ibi florida juventute gaudent: omnes sunt filii Dei, & præcellentes immortalesque Reges ac Reginæ.

Benignissimus Jesus, pro imensa pietate & misericordia sua, dignetur me miserum admittere ad cælestem illam hereditatē, quam ipse pretioso Sanguine suo, vitalique morte sua mihi comparavit: dignetur me perducere ad seipsum, qui est summum & incommutabile bonum meum, Amen.

S. IV.

Beatus Augustinus suspirat ad cæli gaudia.

Tri-
in
149.

Quanta fiducia custodire debeamus possessionem æternæ beatitudinis, pro qua vobis commendamus Christum Sanguinem dedit.

Suspiria
ad
beatitudinem
dicitur
quærit
Christum
morsum
est.

Et suspiremus, & de suspirio Egemamus: exæstuet anima nostra beatę illius visionis & sanctæ pacis desiderio. Quid verò sumus, ut tantum bonum accipiamus? Mortales, projecti, abjecti, terra & cinis. Sed numquid pro minimo habet Deus hominem, propter quem incarnari & mori voluit unicum Filium suum? Attendamus ad iudicium dilectionis. Tenemus mortem Christi, tenemus Sanguinem Christi. Erigat ergo se humana fragilitas; non desperet, non se collidat.

non

DEVI
AMORIS
IGNIA-
MOLUM

non se avertat. Non dicat: Non
ibi ero. Qui promisit, Deus est: &
venit ut promitteret, apparuit
hominibus, venit suscipere mor-
tem nostram, promittere vitam
suam. Promisit nobis, quod ibi
futuri sumus unde venit, & ait:
Pater, volo ut ubi sum ego, & ipsi
sint mecum. Tanta præcessit di-
lectio, & tam benigna promissio.
Quid tibi promisit Deus, o homo
mortalis? Quia victurus es cum
eo in æternum. Non credis? Cre-
de, crede. Plus est quod jam fecit,
quàm quod promisit. Quid fecit?
Mortuus est pro te. Quid promi-
sit? Ut vivas cum illo. Incredi-
bilis est quod mortuus sit æter-
nus, quàm quod in æternum vi-
vat mortalis. Jam quod incredi-
bilis est tenemus. Speremus er-
go, amemus, desideremus, ut cum
venerit quod credimus & non vi-
demus, sine fine gaudeamus.

S. V.

*Verba admodum amorosa, quæ com-
mendata memoria, & devotè ru-
minata, animam Deo suaviter
conjungunt.*

Aspira-
tiones ad
Iesum Chris-
ti amo-
rem.

DULCIS & amabilis Iesus mi-
hi præsens est: ego illi reve-
renter & amanter intendere de-
beo.

O utinam ipse me pretioso fan-
guine suo ablueret, perfecteque
emundaret ac sanaret, & splen-
dore gratiæ suæ illustraret!

O si vulneret cor meum inti-
mè, & hoc prorsus emolliret, atque

inebriaret melliflua charitate!

O utinam totus arderem, to-
tus concremarer, & liquefierem
igne amoris ejus.

Peto, opto, desidero, ut Rex il-
le cælestis, qui dignatur sponsus
esse animæ meæ, dignetur etiam
me sibi placentem reddere. Amen.

Alia.

JESUS dulcedo cordium,
Fons veri, lumen mentium,
Excedens omne gaudium,
Et omne desiderium.

Jesus sole lucidior,
Et balsamo suavior,
Omni dulcore dulcior,
Et cunctis amabilior.

Jesus decus Angelicum,
In aure dulce canticum,
In ore mel mirificum,
In corde nectar cælicum.

Bonum mihi diligere
Iesum, nil ultra quærere,
Mihi prorsus deficere,
Ut illi queam vivere.

Amor Iesu me afficit,
Ejus dolor me reficit:
In hunc mens mea deficit,
Solut amanti sufficit.

O beatum incendium!
O ardens desiderium!
O dulce refrigerium
Amare Dei Filium!

Hic amor ardet dulciter,
Dulcescit mirabiliter,
Sapit delectabiliter,
Et delectat feliciter.

Quàm grata, quàm vernantia,
Quàm mellita, quàm fulgida

*Exclama-
tiones
rhythmicæ
ad Iesum*

DIVINI Sunc Christi Iesu Vulnera:
AMORIS Hunc decet laus per sæcula. A-
IG. IA- men.
RIOLUM

ab insidiis inimici semper securus
sim! Amen.

Alia

*Saluta-
tione ad
Christi
veneran-
da quinq;
Vulnera:
* Vul-
nus sa-
crū pe-
dis dex-
tri.
* fini-
stræ;*

Alia.
Humiliter, & qua possum de-
votione, osculor roseum
Vulnus dextri * pedis Iesu: atque
hic peto plenam veniam peccato-
rum meorum, ut Domino placeā.

Humiliter, & qua possum de-
votione, osculor roseum Vulnus
sinistri pedis * Iesu: atque hic pe-
to veram perfectamque innocen-
tiam, ut Domino placeam.

** Ma-
nus dex-
træ;*

Humiliter, & qua possum de-
votione, osculor floridum Vul-
nus dextræ * manus Iesu: atque
hic peto ornatum sanctarum vir-
tutum; ut Domino placeam.

** fini-
stræ;*

Humiliter, & qua possum de-
votione, osculor floridum Vul-
nus sinistrae * manus Iesu: atque
hic peto internam illuminatio-
nem, ut Domino placeam.

** Sacri
lateris.*

Humiliter, & qua possum de-
votione, osculor amorosum Vul-
nus sacri * lateris Iesu. O splen-
dida paradisi porta! ô conclave
miræ fragrantiae! ô fons totius
suavitatis! Saluto, veneror, &
rursum osculor hoc Vulnus mel-
lissimum, atque hic peto inextin-
guibilem divinæ charitatis ardo-
rem, ut Domino placeam.

Precatio.

Utinam dulcis Iesus dignissi-
ma Vulnera sua cordi meo inscri-
bat! Utinam per illa me totum
purificet, sui que amore prorsus
accendat & inebriet! Utinam mi-
hi concedat, ut in eisdem beatis
Vulneribus sanctè commorer, &

*Laudē
amorosā
sponsā
nimirum
dulciss.
mi Iesu.*
Jesus est pius, clemens & be-
nignus Dominus Deus meus.
Iesus spes mea, refugium meū,
& salus mea est.

Iesus totus est pulcher & flori-
dus, totus amabilis & delide-
rabilis.

Iesus mihi charissimus, & dile-
ctus meus unicus, verusque con-
solator est.

Iesus amor meus, gaudium
meum, deliciae atque divitiæ meę.

Iesus lux mea fulgentissima,
lux valdè venusta, & valdè dele-
ctabilis.

Iesus serena tranquillaque me-
ridies, mansio jucunda ac secunda,
& pax mea suavis.

Iesus mellissimus Rex gloriæ,
dulcedo cordis mei, & vita ani-
mæ meæ.

Iesus superlucidus Sol justitię,
paradisus amenissima, summum
& perenne bonum meum. Ipsi
gloria in sæcula sæculorū. Amen.

Alia.

*Glorios-
is Dñi-
tatis.*
Deus est clarissima, jucundis-
sima, & deliciosissima abyf-
sus.

Ipse est summè pulcher, sum-
mè suavis, summè amabilis.

Charitas ejus, dulcedo ejus,
pietas & benignitas ejus immen-
sa est atque incomprehensibilis.

Ipsi laus, honor & gloria in
sempiterna sæcula. Amen.

Alia.

PIAF
PRECA-
TIONES.
Lauda-
tio dul-
cissime
Virginie
Mariæ.

Alia.

MARIA Virgo gratiosa, ma-
ter Dei, Regina cæli, Do-
mina mundi gloriosa, servos suos
mirificè exhilarat. Ipsa est præ-
fulgida lætitiæ aurora : ipsa est
hortus amœnissimè vernans, ple-
nus cæli deliciis.

Maria omnium est speciosissi-
ma, omnium purissima, atque di-
gnissima. Tota pulchra est & tua-
vis, tota serena & amabilis.

Maria sole clarior est, filios gra-
tiæ amanter illustrat. Grata fra-
grantia superat myrrham, thus,
balsamum; superat violas, Lilia,
rosas.

Maria verè mitis & pia, verè
clemens & benigna mater mea
est. In omni necessitate mihi cha-
rum est refugium, præsens adju-
trix, & dulcissima consolatrix.
Ipsi honor in sæcula. Amen.

*Exercitium amoris excellentissi-
mum utilissimumq; est, sine quo ne-
mo ad veram sui mortificationem,
atq; resignationem facile peringit.*

§. VI.

EXERCITIOLA QUÆDAM
PIARUM PRECATIO-
NUM.

Ad varios pro rebus variis.

AD JESUM.

*Oratio
pro inno-
centia ob-
tinda.*

OPIE, ô clemens, ô beni-
gne Redemptor! O spes
mea, refugium meum, & sa-
lus mea! ô consolator meus, for-

titudo mea, Deus meus! Jesu bo-
ne, miserere, miserere, miserere
mei pauperis & egeni. Adiuva
me infirmum & invalidum. Pro-
pitius esto mihi vilissimo pecca-
tori. Ego ingratus & immundus,
contituo me infra omnes homi-
nes & omnem creaturam : indi-
gnus enim sum quem terra susti-
neat. Eja Christe leu lava me in
Sanguine tuo pretioso. Dele om-
nia peccata mea. Emunda, sana,
& sanctifica me perfectè. Respon-
de, satisfac & supple pro me ple-
nissimè. Restitue mihi sanctam
innocentiam quam in Baptismo
contulisti. Doce, illumina, & di-
rige me in omnibus, ut semper fa-
ciam voluntatem tuam. Mi Jesu,
ego attendere cupio rosea Vulne-
ra tua. Gratias ago pro eis: salu-
to & veneror illa. Salvete, salve-
te, fulgentes plagæ Regis æterni.
Salve mellissimum cor amatoris
mei pro me vulneratum: esto mi-
hi nunc & in hora mortis meæ
munimentum atque solacium, A-
men.

*Pro resi-
gnatione
& cha-
ritate.*

O Domine, mortifica in me
omne vitium, omnemque inordi-
natam proprietatem. Effice me
verè humilem, & resignatum &
continentem; effice me hominem
secundum cor tuum. Ecce, relin-
quo me totum tuo beneplacito.
Fiat in me & de me gratissima vo-
luntas tua nunc & in æternum.
Offero me ad sustinendum pro
tui amore, & pro peccatis meis,
quidquid volueris. Conforta me
gratia tua: quia ex me nihil pos-
sum,

PIA
PRECA-
TIONES.

sum, nihil sum. Omnes homines sincera charitate complecti desidero, & complector. Benedic & benefac his qui me umquam affligerunt vel gravarunt. O dilecte mi, quid volo præter te? Tu mihi sufficis, & ego renuntio omnibus extra te. Vulnera, quæso, vulnera cor meum tui amore. Da ut purissimè atque ardentissimè diligam te. Obsecro accende me, concrema me, liquefac me totum. Commendo tibi finem vitæ meæ: commendo miseros peccatores. Adesto omnibus vivis, & fidelibus defunctis. Amen.

AD MARIAM.

saluta-
tio ad B.
Mariam.

OMNIA Virgo gratiosa, virgo suavissima & decora! ô clemens, ô pia, ô dulcis mater! miserere mei pauperis tui. Tu es spes mea, refugium meum, & consolatrix mea. Ego te saluto, te veneror, te invoco. Ave sidus pulchre rutilans, rosa valde venusta, candidum liliū Trinitatis. Tu benedicta peperisti Filium Dei, & eum virgineis uberibus tuis lactasti: tua dignitas profus ineffabilis est. Eja Domina, impetra mihi plenam veniam & sanctam gratiam. Dirige, adjuva, & protege me in omnibus. Ostende quæ & quomodo pergere debeo. Doce me humilitatem, patientiam & charitatem veram: ut sim homo secundum cor Dei. Commendo tibi finem vitæ meæ: commendo miseros peccatores. Ora pro om-

Ora pro
virtuti-
bus.

nibus vivis, & pro fidelibus defunctis. Amen.

AD SANCTOS,

AVE chare Dei Apostole N. Ave sancte Angele Dei, Princeps nobilis, custos meus fidelis. Avete amabiles sponsæ Christi N. N. N. Avete Sancti Sanctæque Dei omnes, & beati spiritus Angelici. Gratias ago Domino qui vos elegit, & in suis benedictionibus prævenit, atque glorificavit. Eja impetrate mihi hanc gratiam, ut sim homo secundum cor Dei. Commendo vobis finem vitæ meæ, commendo miseros peccatores. Orate pro omnibus vivis, & pro fidelibus defunctis. Amen.

saluta-
tio ad San-
ctos pro
eiusque
devotio-
ne nomi-
nandis.

IN FESTO CUJUSLIBET SANCTI.

AVE vernans flos cæli, & gloriose civis paradisi beate N. Gratias ago Domino pro omnibus bonis quæ in te contulit. Glorifico illum, & tibi in augmentum gaudii & gloriæ offero totius boni, totiusque beatitudinis gazophylacium, cor Jesu Christi mellissimum. Eja obtrine mihi, ut Domino placeam. Commendo tibi finem vitæ meæ, commendo miseros peccatores. Ora pro omnibus vivis, & pro fidelibus defunctis, Amen.

Ora pro
fidelibus
defunctis.

Circa

PIA
EXCA-
TIONES.

Circa susceptionem & in susceptione sacra Eucharistiae, adspira ad Deum, & dic mente:

Oratio
ante Eu-
charistia
commu-
nionem.

AUFER à me, piè Jesu, quidquid tibi displicet. Præpara tibi gratam & amœnam habitationem in me. Exorna me in opem tuis meritis ac virtutibus. Effice me hominem secundum cor tuum. Amen.

O bone Jesu, dilecte mi, charissime mi! O amor meus unice, dulcedo cordis mei, vita animæ meæ! O Jesu melliflue! miserere mei: uni me tibi intimè ad gloriam Nominis tui. Amen.

Quando in peccatum vel defectum notabilem incidisti, aut etiam vespere post examinationem conscientie, seu quocumque alio tempore, potes DOMINO JESU dicere:

Amato-
ria & pre-
catoria
suspici-
pro defe-
ctuum e-
menda-
tione.

ENI Domine Jesu! peccavi, malum coram te feci. Miserere mei, obsecro, miserere mei, quia pius es & clemens: tibi proprium est misereri semper, & parere humiliantibus se. Culpam agnosco, & veniam peto. Ablue me purissimo Sanguine tuo. Dele omnes maculas quas contraxi. Ego omnia peccata mea omnesque defectus meos depono in cruenta Vulnere tuo, & proficio in abyssum misericordiæ tuæ, sperans & confidens in immensa bonitate tua. Responde & satisfac pro me plenissimè. Propono, te adjuvante, corrigere me. Renuntio propriæ voluntati & quæsi-

tionem: renuntio omni iniquitati atque inordinationi. Conforta & salva me Domine Deus meus. Amen.

Oblatio meritorum CHRISTI JESU & B. MARIE pro peccatis.

O Pater cælestis, ego in plenam emendationem, expiationem, atque satisfactionem pro omnibus delictis ac negligentis meis, & pro peccatis totius mundi, offero tibi prædilectum Filium tuum Dñm nostrum Jesum Christum, Offero sanctissimam conversationem, passionem & mortem illius. Offero labores, ærumnas, & cruciatus ejus, ac pretiosum Sanguinem ipsius. Offero merita beatissimæ virginis Mariæ, & omnium Sanctorum tuorum. Miserere mei Domine, miserere mei per ipsum Unigenitum tuum. Commendo tibi miseros peccatores. Adesto omnibus vivis, & fidelibus defunctis. Amen.

Pita &
moris
Christi
oblatis
pro pecc-
tu.

& beata
Mariæ &
omnium
Sanctorum.

BREVE ROSARIUM.

Dictâ semel Oratione Dominicâ, addes decies salutationem Angelicam: & pro conclusione adjunges has duas Precatiunculas.

Instru-
tio ad
legendum
Rosarium.

MISERERE mei, piè Jesu: miserere mei, suavis Maria. Auferte à me quidquid oculis vestris displicet. Commendo me vobis nunc & in hora mortis meæ. Ecce Domine mi, ego resigno me totum in tuum beneplacitum. Fiat in me & de me gratissima voluntas tua. Effice me

Conclu-
sionem
1.

E e ho.

PIAR
PRECA-
TIONES.
II. **hominem secundum cor tuum.**
Amen.

O bone Iesu, dulcis Iesu, propter amaram passionem mortemque tuam, da vivis veniam & gratiam, da fidelibus defunctis requiem lucemque sempiternam. Amen.

Monituncula de Rosariolo.
Poteris hoc spirituale seruum, elegantibus Angelicisq; floribus compactum, beatae virginis Mariae sapius in signum purissimi amoris offerre: admodum enim illi & Filio eius gratum est, si devota mente legatur.

S. VII.

SEX PSALMI

MIRÆ SUAVITATIS
ET VIRTUTIS.

Est collectaneum ex variis Davidicis Psalmis.

Stopus & usui horum Psalmodiarum ex Davidicis collectaneum.
Ut fidelis & Deo dedita anima in promptu haberet breve aliquod exercitium Psalmodiae sacrae; complures versus, qui cor pium ad laudem amoremque Dei dulcius allicere videbantur, decerpi fuerunt hinc inde ex Psalterio Davidico, atque in hos sex Psalmos digesti. Jam quisquis eos sincera, humili attemptaque mente legerit aut ruminaverit, spiritualem lucem consolationemque, & copiosum fructum in illis inveniet. Nam Psalmodia carmen caeleste est, cor purificans & exhilarans, atque in animam adducens quidquid necessarium est ad placendum Deo.

PSALMUS I.

MISERERE mei Deus, secundum magnam misericordiam tuam.

Er secundum multitudinem miserationum tuarum, dele iniquitatem meam.

Asperges me hyssopo, & mundabor; lavabis me, & super nivem dealabor.

Auditui meo dabis gaudium & laetiam, & exultabunt ossa humiliata.

Averte faciem tuam a peccatis meis, & omnes iniquitates meas dele.

Cor mundum crea in me Deus, & spiritum rectum innova in visceribus meis.

Ne projicias me a facie tua, & spiritum sanctum tuum ne auferas a me.

Redde mihi laetiam salutaris tui, & spiritu principali confirma me.

Miserere mei Domine, quoniam ad te clamavi tota die: laetifica animam servi tui, quoniam ad te Domine animam levavi.

Quoniam tu Domine suavis & mitis, & multae misericordiae omnibus invocantibus te.

Intende voci orationis meae, Rex meus, & Deus meus.

Illustra faciem tuam super servum tuum, salvum me fac in misericordia tua: Domine non confundar, quoniam invocavi te.

Exaudivit Dominus deprecationem meam, Dominus orationem meam suscepit.

Can-

PIAE
PRECA-
TIONES.
103.

Cantabo Domino in vita mea:
psallam Deo meo quamdiu sum.
Iucundum sit ei eloquium me-
um: ego verò delectabor in Do-
mino.

Gloria Patri, & Filio, & Spiri-
tui sancto.

Sicut erat in principio, & nunc
& semper, & in sæcula sæculo-
rum. Amen.

PSALMUS II.

Pfal. 103

Benedic anima mea Domino,
& omnia quæ intra me sunt,
nomini sancto ejus.

Benedic anima mea Domino,
& noli oblivisci omnes retribu-
tiones ejus.

Qui propitiatur omnibus ini-
quitatibus tuis, qui sanat omnes
infirmittates tuas.

Qui redimit de interitu vitam
tuam: qui coronat te in miseri-
cordia & miserationibus.

Qui replet in bonis desiderium
tuum: renovabitur ut aquilæ ju-
ventus tua.

17. Diligam te Domine fortitudo
mea: Dominus firmamentum
meum, & refugium meum, & li-
berator meus.

Deus meus adjutor meus, &
sperabo in eum.

Protector meus, & cornu salu-
tis meæ, & susceptor meus.

Laudans invocabo Dominum,
& ab inimicis meis salvus ero.

91. Bonum est confiteri Domino,
& pallere nomini tuo Altissime.

144. Exaltabo te Deus meus Rex:
& benedicam nomini tuo in sæ-
culum, & in sæculum sæculi.

Per singulos dies benedicam
tibi: & laudabo nomen tuum in
sæculum, & in sæculum sæcu-
li.

Magnus Dominus & laudabi-
lis nimis, & magnitudinis ejus
non est finis.

Suavis Dominus vniversis: &
miserationes ejus super omnia o-
pera ejus.

Regnabit Dominus in sæcula, 145.
Deus tuus Sion in generationem
& generationem.

Gloria Patri, & Filio, & Spiri-
tui sancto.

Sicut erat in principio, & nunc
& semper, & in sæcula sæculo-
rum. Amen.

PSALMUS III.

Benedic anima mea Domino: Pfal. 103
Domine Deus meus magnifi-
catus es vehementer.

Confessionem & decorem in-
duisti, amictus lumine sicut vesti-
mento.

Confitebor tibi Domine Deus 85.
meus in toto corde meo, & glori-
ficabo nomen tuum in æternum.

Quia misericordia tua magna
est super me, & eruisti animam
meam ex inferno inferiori.

Factus es susceptor meus, & re- 88.
fugium meum in die tribulatio-
nis meæ.

Deus meus es tu, & confitebor 117.
tibi: Deus meus es tu, & exal-
tabo te.

Tenuisti manum dexteram 72.
meam, & in voluntate tua dedu-
xisti

FIAS
PRECA-
TIONES.

xisti me, & cum gloria suscepi-
sti me.

Quid enim mihi est in cælo?
& à te quid volui super terram?

Defecit caro mea, & cor meum:
Deus cordis mei, & pars mea
Deus in æternum.

41. Quemadmodum desiderat cer-
vulus ad fontes aquarum, ita desi-
derat anima mea ad te Deus.

26. Tibi dixit cor meum, Exquisi-
vit te facies mea: faciem tuam
Domine requiram.

72. Mihi autem adhærere Deo bo-
num est, ponere in Domino Deo
spem meam.

39. Exultent & lætentur super te
omnes quærentes te: & dicant
semper, Magnificetur Dominus,
qui diligunt salutare tuum.

71. Benedictus Dominus Deus Is-
raël, qui facit mirabilia solus.

Et benedictum nomen maje-
statis ejus in æternum, & replebi-
tur majestate ejus omnis terra:
fiat, fiat.

Gloria Patri, & Filio, & Spiri-
tui sancto.

Sicut erat in principio, & nunc
& semper, & in sæcula sæculo-
rum. Amen.

PSALMUS IV.

Psal. 46. Omnes gentes plaudite mani-
bus, jubilate Deo in voce
exultationis.

Pfallite Deo nostro, pfallite:
pfallite Regi nostro, pfallite.

33. Quoniam Rex omnis terræ
Deus: pfallite sapienter.

Gustate, & videte quoniam
suavis est Dominus: beatus vir

qui sperat in eo.

Venite, exultemus Domino,
jubilemus Deo salutari nostro.

Præoccupemus faciem ejus in
confessione, & in psalmis jubile-
mus ei.

Quoniam Deus magnus Do-
minus, & Rex magnus super om-
nes deos.

Confitebor tibi Domine in to-
to corde meo, narrabo omnia mi-
rabilia tua.

Lætabor, & exultabo in te,
psallam nomini tuo Altissime.

Quoniam magnus es tu, & fa-
ciens mirabilia: tu es Deus solus.

Regnum tuum, regnum om-
nium sæculorum: & dominatio
tua in omni generatione & gene-
rationem.

Omnis terra adoret te, & psal-
lat tibi: psalmum dicat nomini
tuo.

Repleatur os meum laude: ut
cantem gloriam tuam, tota die
magnitudinem tuam.

Exultabunt labia mea cum
cantavero tibi, & anima mea
quam redemisti.

Laudationem Domini loque-
tur os meum: & benedicat om-
nis caro nomini sancto ejus in sæ-
culum, & in sæculum sæculi.

Gloria Patri, & Filio, & Spiri-
tui sancto.

Sicut erat in principio, & nunc
& semper, & in sæcula sæculo-
rum. Amen.

PSALMUS V.

Lauda anima mea Dominum, Psal. 140
Laudabo Dominum in vita
mea,

PIAE
PRECA-
TIONES.mea, pfallam Deo meo quamdiu
fuero.& semper, & in sæcula sæculo-
rum. Amen.

P S A L M U S VI.

29. Exaltabo te Domine, quo-
niam suscepisti me, nec delectasti
inimicos meos super me.Lætatus sum in his quæ dicta Psal. 122
sunt mihi, In domum Domi-
ni ibimus.Domine Deus meus clamavi
ad te, & sanasti me.Quàm dilecta tabernacula tua 83.
Domine virtutum! concupiscit
& deficit anima mea in atria Do-
mini.99. Jubilate Deo omnis terra: ser-
vite Domino in lætitia.Cor meum & caro mea exulta-
verunt in Deum vivum.Introite in conspectu ejus, in
exultatione.Sitivit anima mea ad Deum 41.
fortem vivum: quando veniam
& apparebo ante faciem Dei?Laudate nomen ejus, quoniam
suavis est Dominus, in æternum
misericordia ejus, & usque in ge-
nerationem & generationem ve-
ritas ejus.Unam petii à Domino, hanc 26.
requiram, ut inhabitem in do-
mo Domini omnibus diebus vi-
tæ meæ:33. Accedite ad eum, & illumina-
mini: & facies vestræ non con-
fundentur.Ut videam voluptatem Domi-
ni, & visitem templum ejus.36. Dominus illuminatio mea, &
salus mea, quem timebo?Domine dilexi decorem do- 25.
mus tuæ, & locum habitationis
gloriæ tuæ.Dominus protector vitæ meæ,
à quo trepidabo?Beati, qui habitant in domo 83.
tua Domine, in sæcula sæculo-
rum laudabunt te.177. Fortitudo mea, & laus mea
Dominus, & factus est mihi in sa-
lutem.Inebriabuntur ab uberrate do- 35.
mus tuæ: & torrente voluptatis
tuæ potabis eos.Bonum est confidere in Domi-
no, quàm confidere in homine.Quoniam apud te est fons vi-
tæ: & in lumine tuo videbimus
lumen.Bonum est sperare in Domino,
quàm sperare in principibus.9. Sperent in te qui noverunt nò-
men tuum, quoniam non dereli-
quisti quærentes te Domine.Quàm magna multitudo dul- 30.
cedinis tuæ Domine, quam ab-
scondisti timentibus te!26. Credo videre bona Domini, in
terra viventium.Adimplebis me lætitia cum 15.
vultu tuo: delectationes in dex-
tera tua usque in finem.Gloria Patri, & Filio, & Spiri-
tui sancto.Satiabor cum apparuerit glo- 16.
ria tua.

Sicut erat in principio, & nunc

PIAN
PRECA-
TIONES.

83.

89.

116.

Melior est dies una in atriis
tuis super millia.

Repleti sumus manè miseri-
cordia tua, & exultavimus, & de-
lectati sumus omnibus diebus
nostris.

Laudate Dominū omnes gen-
tes: laudate eum omnes populi.

Quoniam confirmata est super
nos misericordia ejus, & veritas
Domini manet in æternum.

Gloria Patri, & Filio, & Spiri-
tui sancto.

Sicut erat in principio, & nunc
& semper, & in sæcula sæculo-
rum. Amen.

*In fine cuiuslibet Psalmi pos-
sunt addi hæc verba:*

*Conclu-
sioncula
pro Psal-
mū.*

DA Domine vivis veniam &
gratiam, da fidelibus defun-
ctis requiem lucemque sempiter-
nam. Amen.

SUSPIRIA AMOROSA
EX EXERCITIIS

BEATÆ THRUTHÆ
SIVE
GERTRUDIS VIRGINIS.

*Amorose
adpira-
tiones
quibus
sepe in a-
morem
Dei ac-
cendebat
sancta
Christi
sponsa
Gertru-
dis.*

OJesu mi chare! quando cor-
pus meum, te perimente, re-
vertetur in pulverem, & anima
mea refluet in te suam originem?

Quando in te, ô pax mea dul-
cissima, obdormiam, & requie-
scam, ut apertè contempler tuam
ineffabilem gloriam.

Quando plenè aspirabit mihi
mellifluæ divinitatis tuæ fra-
grantia, & exorietur tuæ mani-
festæ visionis dies sempiterna?

O quàm bonum est, dilecte mi,
te clarè videre, te habere, & in æ-
ternum possidere!

Eja, tu mihi concede, ut mise-
ram hanc vitam in tua gratia at-
que amicitia feliciter finiam.

In hora exitus mei benedic a-
nimæ meæ, & mortem meam in-
volve vitali morti tuæ, quæ est
charissimum fœdus, firmissimum-
que pactum recôciliationis meæ.

Tunc mitte ad me fidelem ad-
jutricem Mariam Virginem, Ma-
trem tuam amabilem, & Stellam
maris inclytam; ut conspecta hac
præclara rutilantiq; aurora, co-
gnoscam te Solem justitiæ mihi
jam propinquum esse.

Dictunc animæ meæ: Salus
tua ego sum; ego creator, redem-
ptor & amator tuus, per angustias
mortis quæsiivi, & acquisivi te;
semper mecum eris, noli timere.

Eja, tunc recipe me in beatam
domum æternæ pacis & clarita-
tis tuæ.

Ibi, ô salus mea unica, visu mel-
lifuluæ præsentia tuæ consolae
re me.

Ibi gustu charæ acquisitionis,
qua me redemisti, recrea me.

Ibi in spiramento suaviflui spi-
ritus tui attrahe & imbibere me.

Ibi per osculum perfectæ unio-
nis in perpetuam tui fruitionem
immerge me: ut vivam de te, &
exultem in te, tibi que hostiam
laudis reddam sine fine.

Amen.

VENE-